



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

Broj: 01/14-02-1103/25-1
Sarajevo, 28.05.2025.godine

**PREDSTAVNIČKOM DOMU
PARLAMENTA FEDERACIJE BiH**

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 28-05-2025

Org. jed.	Broj	Priloga	Vrijednost

Dana 28.05.2025. godine održana je 35. sjednica Odbora za ekonomsku i finansijsku politiku Predstavničkog doma Parlamenta Federacije BiH (u daljem tekstu: Odbor). Sjednici Odbora prisustvovao je dovoljan broj članova Odbora, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

DNEVNI RED

1. Prijedlog Programa rada Predstavničkog doma Parlamenta Federacije Bosne i Hercegovine za 2025. godinu,
2. Prijedlog zaključaka, preporuka i smjernica sa tematske sjednice Odbora o temi „Izazovi i potencijali tržišta vrijednosnim papirima u Federaciji BiH“,
3. Informacija Agencije za nadzor osiguranja u Federaciji BiH,
4. Inicijativa za izmjenu člana 18. stav (2) Zakona o deviznom poslovanju Federacije Bosne i Hercegovine, koju je pokrenuo Admir Čavalić, zastupnik u Predstavničkom domu Parlamenta Federacije Bosne i Hercegovine,
5. Inicijativa za izmjenu Zakona o pripadnosti javnih prihoda u Federaciji Bosne i Hercegovine i dopunama Pravilnika o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine, koju je pokrenuo Admir Čavlić, zastupnik u Predstavničkom domu Parlamenta Federacije Bosne i Hercegovine,
6. Inicijativa za izmjene Zakona o plaćama i naknadama u organima vlasti Federacije Bosne i Hercegovine, vezanu za član 21. Zakona, koju je pokrenula općina Banovići,
7. Inicijativa koju je pokrenuo vijećnik Općinskog vijeća Novi Grad Sarajevo Jasmin Šošić, a vezanu za povećanje poreza na kladionice, kockarnice i ostale priređivače igara na sreću,
8. Inicijativa za nadopunu i proširenje Uredbe o mjerama finansijske pomoći privatnim poslodavcima, obrtima i ostalim samostalnim djelatnostima u Federaciji Bosne i Hercegovine u cilju održavanja postojećih radnih mjesta za 2025. godinu, koju je pokrenulo Udruženje poslodavaca Zenica.

Na osnovu člana 44. a u vezi sa članom 69. Poslovnika Predstavničkog doma Parlamenta Federacije BiH („Službene novine Federacije BiH”, br. 69/07, 02/08, 26/20 i 13/24), Odbor podnosi sljedeći:



IZVJEŠTAJ

Ad-1 Prijedlog Programa rada Predstavničkog doma Parlamenta Federacije Bosne i Hercegovine za 2025. godinu

Nakon uvodnog izlaganja ovlaštenog predlagača, Odbor je obavio diskusiju i sa 6 glasova za i 1 suzdržanim podržao Prijedlog Programa rada Predstavničkog doma Parlamenta Federacije Bosne i Hercegovine za 2025. godinu i predložio da ide u daljnju parlamentarnu proceduru.

Ad-2 Prijedlog zaključaka, preporuka i smjernica sa tematske sjednice Odbora o temi „Izazovi i potencijali tržišta vrijednosnim papirima u Federaciji BiH“

Predsjednik Odbora je upoznao prisutne članove Odbora sa pristiglim prijedlozima zaključaka i preporuka vezano za tematsku sjednicu Odbora o temi „Izazovi i potencijali tržišta vrijednosnim papirima u Federaciji BiH“ koja je održana 07.05.2025. godine.

Odbor je obavio diskusiju i jednoglasno podržao sljedeće zaključke:

1. Odbor će održati sjednicu 25.06.2025. godine na kojoj će sumirati sve zaključke i donijeti konačan set zaključaka koji se odnose na tematsku sjednicu Odbora o temi „Izazovi i potencijali tržišta vrijednosnim papirima u Federaciji BiH“, a koji će biti upućeni Parlamentu Federacije BiH i Vladi Federacije BiH na dužnu pažnju i izjašnjenje.
2. Odbor će 25.6.2025. godine imati radnu posjetu Agenciji za nadzor osiguranja Federacije BiH.

Ad-3 Informacija Agencije za nadzor osiguranja u Federaciji BiH

Uvodno izlaganje dao je gosp. Ivan Luburić, direktor Agencije za nadzor osiguranja Federacije BiH i pozvao članove Odbora u radnu posjetu Agenciji.

Odbor je razmotrio Informaciju, obavio diskusiju i jednoglasno prihvatio poziv za radnu posjetu Agenciji za nadzor osiguranja u Federaciji BiH.

Ad-4 Inicijativa za izmjenu člana 18. stav (2) Zakona o deviznom poslovanju Federacije Bosne i Hercegovine, koju je pokrenuo Admir Čavalić, zastupnik u Predstavničkom domu Parlamenta Federacije Bosne i Hercegovine

Uvodno izlaganje dao je Admir Čavalić, zastupnik i podnosilac Inicijative, nakon čega je Odbor pristupio glasanju i jednoglasno donio sljedeći:



Zaključak

Odbor poržava Inicijativu za izmjenu člana 18. stav (2) Zakona o deviznom poslovanju Federacije Bosne i Hercegovine, koju je pokrenuo Admir Čavalić, zastupnik u Predstavničkom domu Parlamenta Federacije Bosne i Hercegovine i predlaže da ide u daljnju parlamentarnu proceduru.

Ad-5 Inicijativa za izmjenu Zakona o pripadnosti javnih prihoda u Federaciji Bosne i Hercegovine i dopunama Pravilnika o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine, koju je pokrenuo Admir Čavlić, zastupnik u Predstavničkom domu Parlamenta Federacije Bosne i Hercegovine

Uvodno izlaganje dao je Admir Čavalić, zastupnik i podnosilac Inicijative, nakon čega je Odbor pristupio glasanju i jednoglasno donio sljedeći:

Zaključak

Odbor poržava Inicijativu za izmjenu Zakona o pripadnosti javnih prihoda u Federaciji Bosne i Hercegovine i dopunama Pravilnika o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine, koju je pokrenuo Admir Čavlić, zastupnik u Predstavničkom domu Parlamenta Federacije Bosne i Hercegovine i predlaže da ide u daljnju parlamentarnu proceduru.

Ad-6 Inicijativa za izmjene Zakona o plaćama i naknadama u organima vlasti Federacije Bosne i Hercegovine, vezanu za član 21. Zakona, koju je pokrenula općina Banovići

Na sjednici Odbora nije bilo prisutnog podnosioca Inicijative, tako da je Odbor zauzeo stav da će dostavljenu Inicijativu razmotriti kada na sjednici Odbora bude prisutan podnosilac Inicijative u skladu sa članom 51. Poslovnika Predstavničkog doma Parlamenta Federacije BiH ("Službene novine Federacije BiH", br. 69/07, 02/08, 26/20 i 13/24).

Ad-7 Inicijativa koju je pokrenuo vijećnik Općinskog vijeća Novi Grad Sarajevo Jasmin Šošić, a vezanu za povećanje poreza na kladionice, kockarnice i ostale priređivače igara na sreću

Na sjednici Odbora nije bilo prisutnog podnosioca Inicijative, tako da je Odbor zauzeo stav da će dostavljenu Inicijativu razmotriti kada na sjednici Odbora bude prisutan podnosilac




Inicijative u skladu sa članom 51. Poslovnika Predstavničkog doma Parlamenta Federacije BiH ("Službene novine Federacije BiH", br. 69/07, 02/08, 26/20 i 13/24).

Ad-8 Inicijativa za nadopunu i proširenje Uredbe o mjerama finansijske pomoći privatnim poslodavcima, obrtima i ostalim samostalnim djelatnostima u Federaciji Bosne i Hercegovine u cilju održavanja postojećih radnih mjesta za 2025. godinu, koju je pokrenulo Udruženje poslodavaca Zenica

Odbor je razmotrio i jednoglasno podržao dostavljenu Inicijativu, a u vezi koje je već ranije usvojio i uputio u parlamentarnu proceduru Zaključak o kojem će se danas, 28.05.2025. godine na 21. redovnoj sjednici izjasniti Predstavnički dom Parlamenta Federacije BiH.

Za izvjestioca Odbora na sjednici Predstavničkog doma Parlamenta Federacije BiH, koji će razmatrati ove materijale, određen je Admir Čavalić, predsjednik Odbora za ekonomsku i finansijsku politiku.

PREDSJEDNIK ODBORA


Admir Čavalić